



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Capitulum.

urn:nbn:de:hbz:466:1-10447

operatur etiam aliquid ultra expressa,
& ita observat Rota, Caputaq. *decif.*
124. & 91.

CAPITULUM.

Primo, Capituli consensus, an requiratur quando Episcopus vult ordinare, qui canonici debent esse presbyteri, & qui subdiaconi.

Respondetur ex sac. Cong. *decl. 59. in meis*, ubi censuit in hæc verba, *Episcopus in ordinatione facienda, qui canonici presbyteri, qui diaconi, & subdiaconi esse debeant vigore capit. 12. sess. 24. tenetur solummodo adhibere capituli consilium, & non consensus, quia potest eis invitis, quod magis expedire iudicaverit, perficere.*

Secundò quæritur, ubi congregari debet capitulum, etiam si aliquando congregandū esse de ordine Episcopi.

Respondetur ex sac. Cong. *declar. 331. in meis*, ubi censuit in hæc verba, *Episcopus Placentinus non potest capitulum cathedralis Ecclesie domus sue congregare, sed idem debet ad aulam capitularem convocare, in quam antea solitum est super capitulum convocare.*

Tertiò, an capitulum Sede vacante possit dispensare cum illegitimo ad minores ordines, & ut possit obtinere simplex beneficium?

Respondetur, quòd sic? ratio est, quia succedit in iis, quæ sunt jurisdictionis ordinariæ, & voluntariæ præterquam in casibus expressè exceptis, *Na. c. 7. de fil. presb.*

Quartò, an capitulum possit unire beneficia Sede vacante, vel unioni præ-

Prax. Episc. pars 11.

stare auctoritatem?

Respondetur affirmativè, dummodo per eam juri Episcopali nihil detrahatur, aliàs secus: ratio est, quia ea, quæ sunt jurisdictionis, transeunt ad capitulum, Sede vacante, *c. unico, de major. & obed. lib. 6. Rebus, de union. benef. nu. 36.*

Quintò, an capitulum Sede vacante possit eligere Vicarium cum pacto de participando de emolumentis, sportulis, popinis, trigessimis, & aliis?

Respondetur negativè, quia esset simonia, *Navar. cons. secundo, ne pralati vices suas.*

Sextò, fuerunt legata mille cuidam capitulo, ut distribuerentur inter singulos canonicos, sed quia, vel aliqua lite intercedente, vel ignorantia legati, vel aliquo legitimo impedimento, non fuerunt exacta, nec divisa tunc temporis, inde post multos annos fuerunt recepta, tamen nunc nullus illorum canonicorum vivit, dubitatur, an possint distribui inter viventes singulos?

Respondetur, quòd sic: e contra verò, si fuisset factum aliquod debitum annis præteritis à capitulo, postea mortuis omnibus illis canonicis, qui tunc vivebant, modò qui successerunt non tenentur singuli solvere, sed totum capitulum. vide plenius *Nav. cons. 9. de sent. excom.*

Septimò, an capitulum possit recipere permutationes, seu resignationes causæ permutationis?

Respondetur, quòd sic, ita *Rebus. de devolut. nu. 95.* quia est quid necessarium,

F

rium,

rium, sicut & institutio, & sic cenſeo à ſimili poſſe vicarium abſque ſpeciali conceſſione, propter idoneitatem rationis, prout ſuprà.

Octavo, capitulum cum auctoritate Episcopi poteſt novam conſtituere dignitatem, Hoſtiens. tit. de conſt. §. quando conſtitutio, ver. cum queritur, num: 10.

Nonò, capitulum ſede vacante eſt executor ultimatum voluntatum ad pias cauſas, Cov. in c. Ioannes, nu: 1. & 2. de teſtam: quia ſuccedit Episcopo in omnibus his, quæ ſuæ ſunt iuriſdictionis.

Decimò, Capitulum ſede vacante poteſt conferre beneficia devoluta ad Episcopum, ob negligentiam inferioris, puta prælatus inferior habens poteſtatem conferendi beneficia, non contulit infra ſemeltre, tunc poteſt capitulum ſede vacante, illud conferre, ſimiliter à Suffraganeo ad capitulum Metropolitanum, ita firmat Gem. in c. quamquam, ver: ſed querit tunc, ex Io. And. de elect. lib. 6.

Undecimò, An valet conſuetudo, ut quis canonicus non lucretur maſſam communem, niſi vel ſit acſu ſacerdos, vel niſi deſeruit per tantum ſpatium temporis, puta triennium?

Reſpondeo primò, prout in 1. p. ver. canonica, §. 6. ubi non ſatis hoc laudatur, ſecundò, quòd valet. prout Gem. in c. cum ex eo, §. et apo, ver: per promiſſa. de elect. lib: 6. & ita eſt in Eccleſia mea Minoreniſi, Ravelli, & in quibusdam aliis.

C A R C E R.

AN liceat auſugere è carcere, licet ſit juſtè, vel injuſtè captus, etiam aperto oſtium, & timentis juſtam iudicis ſententiam, vel metu infamiæ, moriatur fame, vel metu tormentorum, aut mortis crimen ſibi ipſi falſum imponere propria confeſſione, vide Cov. lib: 1. cap. 2. var: reſol.

CASUS IN QUIBUS, &c.

Mulier vocans dæmonem ad luxuriam, & ille veniens, jubet ei, ut ſpulet in crucem, illa timore dæmonis correpta de hoc ſpuit in crucem, an ſit hæretica. Quod non tenet Afflic. in conſtit. in conſutilem, nu: 1 & ex Raim. in Sum: & Piſa. & D. Tho. 2. 2. quaſt. 12. & quaſt. 24. tamen vide ſuperius in ver: casus in quibus, in §. dæmones. nam invocatio plus dicitur, & Symancam de cathol: inſtit. tit. 17. n. 43. & in ſiã.

CEDULONES.

Cedulones non poſſunt affigi cum piſturis dæmonum. Pius IV. Bull: 74. qua incipit, Inter, & quando ſunt affigendi, vide in ver: appellatio, §. 4.

C E N S U S.

PRimò, ſi Eccleſia non habet inſtrumentum exequutionũ contra cenſuarium, quid remedij erit, ut poſſit ſingulis annis exigere canonem ſuum via executiva? Datur ab Afflic. in conſt.